

庶物類纂

果屬

自四十三至四十四

容

太政官文庫			
和書門	特別	一三三六二	乙
		五十四番	署
類	號	函	架
冊	四	六	五

內閣文庫	
番號	和 32362
冊數	465(432)
函號	特 54 1

共十九




Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂果屬卷之四十三目次

桑

枸杞

枸棘

胡頹子

野櫻桃

庶物類纂

卷四十三


果屬目次

桑

俗名骨華

無物類纂

果屬 桑



桑

桑、箕星之精也。東方自然神木之名。其字象形。蠶所食也。皮葉幹疎。葉面深綠。光澤多刻缺。方書稱桑之功最神。在人資用尤衆。其小而條長者為女桑。種類甚多。世所名者。荆與魯也。荆桑多。莖葉薄而尖。邊有瓣。凡枝葉堅勁者皆荆類也。魯桑少。莖粗圓厚而多津。凡枝葉豐腴者皆魯類也。荆類根固而心實。能久。宜為樹。魯類根不固。心虛。不能久。宜為地桑。荆葉不如魯之盛。當以魯條接荆。則久而又茂。魯為地桑。有

無物類

卷四十三

果屬

桑

二

壓條法傳轉無窮是亦可以久遠者也荆桑飢蠶其
 絲堅韌中紗羅用魯桑宜飢大蠶荆桑宜飢小蠶此
 外又有姨桑緊桑山桑禹貢厥篚檠絲是也桑生黃
 衣謂之金桑木將稿蠶食必病樹下每年耕用糞則
 葉肥嫩構接則葉大桑白皮利小水肺中有水氣及
 肺火有餘者用之葉多積荒羊可濟饑亦可喂豬羊
 牛馬蠶事既畢令人採取曬乾收貯備用明王蓋臣
 二如亭群

芳譜

製用桑甚煎膏入少蜜滾湯調服止渴消熱○桑葉

炙熟可代茶○嫩桑枝炒香煎飲久服不患偏風○
 桑花健脾澀腸止血消熱○桑耳一名五鼎芝作菜
 用益人同上

種植取黑甚中段子收貯勿令浥溼將種時先以柴
 灰淹揉次日淘淨取沈水者曬令乾太水氣種乃易
 生宜肥地有草鋤淨冬月燒去苗至春去穴苗畱旺
 者俟至指大移栽五步一株大約種子不如壓條同上
 壓插初芽時擇指大枝條旺相肥澤者就馬蹄處劈
 下潤土內開溝尺許埋實自然生根布葉壓後遇旱

于傍開溝灌之但取水氣到忌多著水農桑要旨云平原淤壤土地肥虛荆桑魯桑俱可種若山地土脈赤硬宜荆士民必用云種藝在審時又合地宜使不天其中春分前十日為上時當發生也十月小春木氣長生也亦可壓桑有三宜時宜和包宜固壅宜厚木抵天氣晴明已午時借其陽和如栽子已出忽變天氣即以熱湯調泥培之暑月必待晚涼仍預于園中稀種麻麥為蔭惟十一月不生農桑撮要云十二月內掘坑深闊約二小尺卻于坑畔取土糞和成泥

漿桑根埋定糞土培壅將桑栽向土提起則根舒暢復土壅與地平次日築實切不可動搖其桑加倍榮旺勝如春栽○又法將桑根浸糞水內一宿掘坑栽之栽宜淺種以芽稀者為上諺云臘月栽桑桑不知

便民纂要
○同上

採桑高者用梯摘庶不傷枝遠出強枝當用闊刃鋒利扁斧轉腕回刃向上斫之枝查既順津脈不出葉必復茂諺曰斧頭自有一倍葉此善用斧之效也桑高枝不勝梯須置桑兒如高檣下列二枕作登級

斯易摘葉又不傷樹同上

培桑凡耕桑田不用近樹犁不著處劬土令起斫去浮根以蠶矢糞之根下埋龜甲則茂盛而不蛀生黃衣亦以此治之同上

修桑削其小枝則葉茂去其枯枝則不荒蠶事畢將枝斲去但斲時不可留柴角及夏至開掘根下用糞或蠶沙培壅則生意鬱積來年嫩枝之葉更覺茂盛且皮可製紙枝可當柴兼有餘利同上

收葑子熟時摘取以水淘過略曬乾優種同二月法

或畦種之優生即時多收葑子以待來春種尤佳收

貯勿近溼壁牆邊則沓損不生農桑撮要 ○五月也收桑

葑而水淘少曬焉畦而種之至冬而焚其稍乃明年

而分種之學山蠶經 ○同上

金末大饑至夏桑葑熟民皆採食獲活者不可勝計

金史 ○同上

農桑通訣日嘗攷之史傳三國魏武祖軍乏食乃得

乾葑以濟飢魏志武祖軍無糧新鄭長楊沛進乾葑

後遷沛為鄴令後漢王莽時天下大荒有蔡順採葑

赤黑別盛之赤眉賊見而問之順曰黑者奉母赤者自食蓋桑甚乾溼皆可食可以救飢昔聞之故老云前金之末飢歉民多餓莩至夏初青黃未接其桑甚已熟民皆食甚獲活者不可勝計凡植桑多者甚黑時悉宜振落箔上曬乾平時可當果食歉歲可禦飢餓雖世之珍異果實未可比之適用之要故錄之

光啓農政全書

徐明

玄扈先生曰桑生甚者葉小而薄故蠶桑之家不得

看甚同上

王盤曰桑種甚多不可徧舉世所名者荆與魯也荆

桑多甚魯桑少甚葉薄而尖其邊有瓣者荆桑也凡

枝幹條葉堅勁者皆荆之類也葉圓厚而多津者魯

桑也凡枝幹條豐腴者皆魯之類也荆之類根固而

心實能久遠宜為樹魯之類根不固心不實不能久

遠宜為地桑然荆之條葉不如魯葉之盛茂當以魯

桑條接之則能久遠而又盛茂也皆為地桑而有厭

條之法傳轉無窮是亦可以久遠也荆桑所飢蠶其

絲堅韌中去聲紗羅用禹貢稱厥篚絜絲注曰麋山桑此荆之

美而尤者曾桑之類宜飢大蠶荆桑宜飢小蠶齊民要

術曰收甚之黑者翦去兩頭惟取中間一截蓋兩頭

者其子差細種則成雜桑花桑中間一截其子堅栗

則枝條堅強而葉肥厚將種之時先以柴灰淹揉次

日水淘去輕秕不寔者曬令水脈才乾種乃易生明

游龍康濟譜

凡桑果以接博為妙一年後便可獲利昔人以之譬

螟子者取其速肖之義也凡接枝條必擇其美宜用

向陽者庶氣壯而茂嫩條陰翳而難成根株各從其類然荆桑亦可接杏

桃可接接工必有用具細齒截鋸一連厚脊利刀小刀

一枚要當心手凝穩又必趁時以春分前後十日為

期然必待時暄可接或取其條襯青為蓋欲藉陽和之氣也

一經接博二氣交通以惡為美

以彼易此其利有不可勝言者夫接博其法有六一

日身接此用細鋸截去元樹枝莖作盤砧高可及肩

寸半先用竹籤之測其深淺卻以所接條約五寸長

一頭削作小篋子先含口中假津液以助其氣卻內

之罇中皮肉相對挿之訖用樹皮封繫寬緊得所用

牛糞和泥斟酌封裹之勿令透風外仍上留二眼以

泄其氣二日根接鋸截斷元樹身去地五寸許以所接

封之以棘條削篋植之一如身接法就以土培圍護之用斜利刀于於元樹身八字三曰皮接斜利刀于於元樹身八字

無物類纂

卷四十三

果屬

桑

七

所接之枝條皮肉相向種之封護如前法候
 接枝發茂以漸去其元樹枝莖使其枝茂
 四日枝接如皮接之法五日壓切於樹接小樹為宜先於元樹而塗近之
 許於所取接條樹上眼外方半寸刀尖刻斷皮肉至骨併帶凝揭皮肉一方片須帶芽心揭下口含少時取出印溼痕於橫枝上以刀尖依痕刻斷元樹壓處大小如之以接按之上下兩頭以桑皮封繫緊慢得所仍用牛糞塗護之隨六日搭接將已種出芽條去樹大小酌量多少接之
 馬耳將所接條併削馬耳今夫種植之功其利既博相接之封繫糞壅如前法
 又加以接博猶變稂莠而為嘉禾易砥砭而為美玉世之欲業其生者其可不務之哉又去蟲法桑葉蟲蠹宜務去之其法用鐵線作鉤取之一法用硫黃及雄黃作烟薰之即死或用桐油燃傷樹勿用夫

既已種植復接博之既接博矣復剔其蟲蠹柳子所謂吾聞養樹得養人術此長民為國者所當視傲也夫民為國本本斯立矣既興其利而復除其害為治之道無以外是苟審行之不惟得勸果之法抑亦知教政之本歟
同上

都御史鍾化民種桑法種桑在正二月至八月亦可種根要理直泥要挨緊當以水糞澆灌方有生意
同上
 桑有二種一種有桑甚即以桑甚植地一二月即出一種將桑樹桑條攀至於地以泥壓於其上每一桑

眼即發一枝待至二三尺長其桑有根用翦剪下移種於地上即成桑樹如今年壓明年起明年又壓後年又起生生不窮同上

涿州之涑水道中有大桑樹高十餘丈蔭百畝云即昭烈舍前之桑也自漢及今千五百年矣而扶疎如故且其甚視常桑倍大土人珍之以相餽遺云余按蕭道成所住宅亦有桑樹高三丈許狀如車蓋道成好戲其下兄敬宗謂之曰此樹為汝生也今宅既灰滅而桑之有無亦無人能知之者信乎在人不在物

也明謝肇淛五雜俎

桑桑種不一能飽人洪武二十七年工部行文天下教百姓務要多栽桑每一里種秧二畝每一百戶內共出人力挑運柴草燒地畊過再燒畊燒三次下種待秧高三尺然後分栽每五尺闊五壠每一戶初年二百株次年四百株三年六百株栽過數自造冊回奏違者全家發雲南金齒充軍按五穀而後地利莫厚於桑桑故於水部首及之且綴洪武間詔令於此惜乎下口日蕃而地不加益渭川千畝之盛不復睹

矣、河間府志

枸杞

一名杞爾雅一名枸櫞同上一名杞根神農本草一名
 地骨同上一名枸杞同上一名地輔同上一名羊乳
 名醫別錄一名卻暑一名仙人杖同上一名西王母杖同上一名家柴抱朴子云家柴一作柴
 名托廬同上一名天精同上一名卻老同上一名苦杞毛詩草木鳥獸蟲魚疏一名三青蔓清異錄一名換骨菜同上一名甜菜本草圖經一名二尸錄輟耕錄一名地節本草綱目一名明眼草寧波

果屬 枸杞 一

志府

枸杞

枸杞一名枸杞、一名枸杞、一名天精、一名地仙、一名
 卻老、枸杞二木名、此物棘如枸之刺、莖如杞之條、故
 兼二名、處處有之、春生苗、葉如石榴、葉而柔薄、堪食、
 俗呼為甜菜、其莖幹高三五尺、叢生、六七月開小花、
 淡紅紫色、隨結實、微長、生青熟紅、味甘美、根名地骨、
 根之皮名地骨皮、枸杞子地骨皮、古以韋山者為上、
 近時以甘州者為絕品、今陝之蘭州靈州以西、並是
 大樹、葉厚根粗、河西及甘州者、子圓如櫻桃、曝乾、緊

小紅潤甘美可作果食沈存中筆談言陝西極邊生者高丈餘大可作柱葉長數寸無刺根皮如厚朴亦其地脈使然也花葉根實並用益精補氣不足悅顏色堅筋骨黑鬚髮耐寒暑明目安神輕身不老或云有刺者名白棘宜辨明王蓋臣二如亭群芳譜移植揀好地熟斲加糞逐畦開深七八寸取枸杞連莖剉四寸長以草索束如碗大壠中立種相去尺許調爛牛糞如稀糊灌束上令滿減則更灌以肥土壅滿更加熟牛糞然後灌水不久即生極肥嫩從一頭

割如翦韭法種半畝料理如法可供數人割時以早朝為佳避熱及雨須與地面平高留則無葉澆翦則傷根要數鉏壅灌每月一加糞尤妙同上種子取枸杞于水盆內揉去皮取子曝乾斲肥地作畦畦中公土二三寸仍澆斲熟加糞用二月初一日撒子如種菜法又以爛牛糞蓋之又蓋土一層令與畦平苗出頻澆之當年疎瘦二年以後悉肥可作菜食割如上法一年但五度不可過勿令長不堪食如食不盡即翦作乾菜以備冬用如此從春及秋其苗



不絕其根年年生發可備常用上同

辨訛葉厚而長梗上無刺者枸杞葉圓梗有刺者名白棘味辛苦麻人不堪服慎之上同

製用採枸杞子紅熟者去蒂水淨洗瀝乾砂盆內爛研以細布袋盛濾去滓沈清一宿去清水若天氣稍暖更不待經宿入銀石器中慢火熬成膏不住手攪之勿黏底候稀稠得所瀉向新瓷餅中盛之蠟紙封勿令透氣每日早朝溫酒下二大匙夜臥再服百日身輕氣壯耳目聰明鬚髮烏黑養生雜纂
○同上

枸杞爾雅曰杞枸檮陸璣疏云一名苦杞春作羹茹微苦莖似莓子秋熟正赤服之可輕身益氣本草云一名杞根一名枸杞一名地輔一名羊乳一名卻暑一名仙人杖一名西王母杖味苦寒根大寒子微寒無毒無刺者是其莖葉補氣益精除風明目堅筋骨補勞傷強陰道久食令人長壽根名地骨寇宗奭曰枸杞當用梗皮地骨當用根皮子當用紅實諺云去家千里莫食枸杞言其補益強盛無所為也和羊肉作羹和稷米煮粥入蔥豉五味補虛勞尤勝南丘多



枸杞村人食之多壽潤州大井有老枸杞樹井水益
久名著天下其性與乳酪相反凡山中皆有之老本
虬曲可愛結子紅甚點點若綴其葉初萌取炙點茶
甚美吳中好事者植盆中為几案供玩明周文華
致富全書
枸杞陝西極邊生者高丈餘大可作柱葉長數寸無
刺根皮如厚朴甘美異於他處者千金翼云甘州者
為真葉厚大者是大體出河西諸郡其次江池間墾
上者實圓如櫻桃全少核暴乾如餅極膏潤有味宋
沈
存中夢
溪筆譚

按清冷真君外訣枸杞為二青蔓其苗為換骨菜宋
陶

穀清
異錄


百草中可食者最多薺菜枸杞苗五加芽草中之美
味菊苗亦佳大抵摘野蔬入饌尤覺趣耳明王敬美
學圃雜疏

枸杞子亦名地仙子實小而紅根曰地骨皮泉州
府志

枸杞郊甸叢生秋結子如棗核有紅綠二種其根曰

地骨皮江陰
縣志

枸杞子俗呼為明眼草子寧波
府志



枸
棘

一
名
枸
橘

興
化
府
志

果
屬

枸
棘

一

枸棘

今人相傳謂枸杞與枸棘二種相類其實形長而枝無刺者真枸杞也圓而有刺者枸棘也枸棘不堪入

藥本草
圖經

爾雅云杞枸櫞世言有兩種無刺者曰枸杞有棘者曰枸棘又云蓬萊南丘村者高一二丈其根盤結甚固其村之人多壽考南地生者名枸棘有刺延蔓如草萊沈括云陝西極邊生者高丈餘大可徑柱葉長數寸無刺根皮似厚朴甘美異佗處大體出河西諸

郡其次江淮間埂上者實如櫻桃暴乾為餅膏潤有味宋鄭夾深昆蟲草木略

枸杞莖青有刺土產者其子圓而短名曰枸橘甘州

泉州者尖而長入藥興化府志

爾雅云杞枸櫞一名地骨按本草圖經謂其實形長

而枝無刺者枸杞也圓而有刺者枸棘也枸棘不堪

入藥而行義又謂凡杞未有無棘者雖大至有成入

然亦有棘但此物小則多刺大則少刺耳今歷觀諸

處所產枸杞未有無刺者行義之言似為可據八閩通志

謹按枸杞自小至大都無刺其有刺者枸棘也行義謂枸杞小則多刺大則少刺其說亦非也



胡頹子

一名雀兒酥

炮炙論

一名盧都子

霏雪錄

一名蒲

頹子

本草綱目

一名半含春

同上

一名黃婆爛

同上

一

名羊柰子

通雅

俗名柰華識魯骨密

近江州

胡頹子

陳藏器云胡頹子熟亦酢澀小兒食之當果子止水
 痢生平林間樹高丈餘葉陰白冬不凋冬花春熟最
 早諸果莖及葉煮汁飲狗主痲又有一種大相似冬
 凋春實夏熟人呼為木半夏無別功根平無毒根皮
 煎湯洗惡瘡疥并犬馬痲瘡嘉祐補註本草
 陶弘景注山茱萸及櫻桃皆言似胡頹子凌冬不凋
 亦應益人陳藏器又於山茱萸下詳著之別無識者
 今考訪之即雷斅炮炙論所謂雀兒酥也雀兒喜食

燕物類編 卷四


果屬 胡頹子 二

乏越人呼為蒲頹子南人呼為盧都子吳人呼為半
含春言早熟也襄漢人呼為黃婆孃象乳頭也劉績
霏雪錄言安南有小果紅色名盧都子則盧都乃蠻
語也 明李東璧
本草綱目

胡頹即盧都子也其樹高六七尺其枝柔奕如蔓其
葉微似棠梨長狹而尖面青背白俱有細點如星老
則星起如麩經冬不凋春前生花朵如丁香蒂極細
倒垂正月乃敷白花結實小長儼如山菜莢上有細
星斑點生青熟紅立夏前采食酸澆核亦如山菜莢

俱有八稜奕而不堅核內白綿如絲中有小仁其木
半夏樹葉花實及星斑氣味並與盧都同但枝強硬
葉微團而有尖其實圓如櫻桃而不長為異耳立夏
後始熟故吳楚人呼為四月子亦曰野櫻桃其核亦
八稜太抵是一類二種也 同上

蒲頹葉治喘欬方出中藏經云甚者亦效如神云有
人患喘三十年服之頓愈甚者服藥後胸上生小癭
癭作痒則瘥也虛甚加人參等分名清肺散大抵皆
取其酸澆收斂肺氣耗散之功耳 同上



智自沅靖苗中出至淇江洞口山間小兒采羊柰子
 刺坂詢之刺坂即金櫻子開寶刺梨子又名山石榴
 江北及黃漢曰糖確者也其羊柰子皮點如小棠梨
 指大者圓而楷即貞白所云胡頹子雷斅所云雀兒
 酥襄漢呼黃婆孺劉續霏雪錄言安南之盧都子是
 也此物止痢最驗同伴病痢者皆食此而愈後隱昭
 州平西山山中有此而圓絕似棠梨痢者食之亦愈
 清方以
 智通雅

野櫻桃

一名木半夏

本草拾遺

一名四月子

本草綱目

俗名柰紫骨密
山城州

野櫻桃

野櫻桃生鈞州山谷中樹高五六尺葉似李葉夏尖
開白花似李子花實比櫻桃又小熟則色鮮紅味

甘微酸救荒本草

木半夏樹葉花實及星斑氣味並與盧都同但枝強
硬葉微團而有尖其實圓如櫻桃而不長為異耳立
夏後始熟故吳楚人呼為四月子亦曰野櫻桃其核
亦八稜大抵是一類二種也明李東璧本草綱目

庶物類纂果屬卷之四十四目次

葡萄 總

果屬目次

葡萄

一名蒲桃群芳譜
一名賜紫櫻桃同上
一名亭桃
致富
奇書

葡萄

葡萄一名蒲桃一名賜紫櫻桃生隴西五原燉煌山谷今河東及江北皆有之而平陽尤盛苗作藤蔓極長春月萌苞生葉似栝葉而有五尖生鬚蔓延木盛者一二本綿被山谷間延引數十丈三月開小花成穗黃白色旋著實七八月熟有水晶葡萄暈色帶白如著粉形大而長味甚甜西番者更佳馬乳葡萄色紫形大而長味甘紫葡萄黑色有大甜二種酸綠葡萄出蜀中熟時色綠至若西番之綠葡萄名兔睛味勝糖蜜無核則異品也其瑣瑣葡萄出西番實小如胡椒云小兒常食價甚貴可免生痘又云痘不快食之即出

今中國亦有種者一雲南者大如棗味尤長唐史云
波斯國所出大如雞卵可生食可釀酒最難乾不乾
不可取今太原平陽皆製乾貨之四方西北人食之
無恙東南人食之多病熱其根莖中空相通暮溉其
根至朝而水浸其中澆以米泔水最良以麝入其皮
則葡萄盡作香氣以甘草作針針其根則立死三元
延壽書云葡萄架下不可飲酒恐蟲尿傷人明王蓋
臣二如
亭群
芳譜

分植取肥旺枝如拇指大者從有孔盆底穿過盤一

尺于盆內實以土放原架下時澆之候秋間生根從
盆底外面截斷另成一架澆用冷肉汁或米泔水又
法棗樹穿窬葡萄枝穿過俟長滿截斷甚佳同上
收藏北方天寒初冬須以草裹埋地中尺餘俟春分
後取出臥置地數日然後用木架起于生時去其繁
葉使霑風露則結子肥大最忌人糞同上
太宛以葡萄為酒富人藏至萬餘石久者數十歲不
敗事文類聚
○同上
中國珍果甚多葡萄當其末夏涉秋尚有餘暑醉酒



宿醒掩露而食甘而不餽脆而不酸冷而不寒味長
汁多除煩解渴又釀以為酒甘於麴藥善醉而易醒
道之固已流涎咽唾况親食之耶佗方之果寧有匹
者魏文帝詔
○同上

謹按甘而不餽唐類函同潛確居類書彙苑詳註
並佗甘而不餽

唐高祖賜食於群臣有葡萄侍中陳叔達執而不食
上問其故對曰臣母病渴求不能致願歸奉之山堂肆考
○同上

僂民圖纂曰二三月間截取藤枝插肥地待蔓長引

上架根邊以煮肉汁或糞水澆之待結子架上翦去

繁葉則子得成雨露肥大冬月將藤收起用草包護

以防凍損其根莖中空相通暮既其根至朝而水浸

其中澆以米泔水最良以麝入其皮則葡萄

書云葡萄架下不可飲酒恐蟲屎傷人○玄扈先生

日須春分僂插太遲則有漿出

損本○明徐光啓農政全書

又法宜栽棗樹邊春間鑽棗樹作一竅引葡萄枝從

竅中過候葡萄枝長塞滿竅子所公葡萄根托棗以

生其實如棗十月中公根一步許掘作坑收卷葡萄

悉埋之近枝莖薄安悉釀彌佳無穰直

燕物類纂

卷四十四

果屬

葡萄

四

安土亦得不宜溼溼則冰凍二月中還出舒而上架性不奈寒不理即死其歲久根莖粗大者宜遠根作坑勿令莖折其坑外處亦掘土並種陪覆之○玄扈先生曰北方必須舒卷年遠亦難南方竟以穰草裹根可也

○同上

正月末取嫩枝長四五尺者卷為小圈先治地令鬆沃之以肥種時止雷二節在外春氣萌動發芽盡萃于出土二節不一年成大棚實大而多液生子時去其繁葉遮露則子尤大忌澆人糞同上齊民要術曰摘葡萄法逐熟者一一零壘一作摘取從本至末悉皆無遺世人全房折殺者同上

作乾葡萄法極熟者一一零壓摘取刀子切去蒂勿令汁出蜜兩分和內葡萄中煮四五沸漉出陰乾便成矣滋味倍勝又夏月不敗同上

謹按齊民要術滋味倍勝又夏月不敗作非直滋味倍勝又得夏暑不敗壞也

藏葡萄法極熟時全房折取於屋下作廕坑坑內近地鑿壁為孔插枝於孔中選築孔使堅屋子置土覆之經久不異也同上

玄扈先生曰葡萄作酒極有利益然非西種不可亦

可作醋作糖今山西亦作酒然不真也上同
 葡萄胡種漢武帝使張騫至太宛攜歸於離宮別館
 盡種之有黃白黑三種圖經本草云葡萄生隴西五
 原燉煌山谷今河東及近京諸郡皆有苗作藤蔓而
 極長大盛者一二本綿亘山谷華極細黃白色其實
 有紫白二色而形有圓銳二種又有無核者七八月
 熟取其汁可以釀酒魏文帝詔云醉酒宿醒掩露而
 食甘而不餽酸而不酢冷而不寒除煩解渴侂方之
 果寧有匹者今有二種紫者名馬乳白者名水晶吳

邑志云葡萄熟時紫黑有漿然其顆不大又雜以青
 紅江南產終不如北農桑撮要云二月植葡萄先於
 去年冬間截取藤枝旺者約長三尺埋窖於熟糞內
 候春間樹木萌芽時取出看有芽生以藤扞蘿蔔內
 埋二尺在土中生根留三五寸在土外苗長蔓延作
 架承之須以煮熟肥汁放冷澆灌二日後以水解之
 旱則輕鋤根旁沃以清水至結子時剪去繁葉使受
 夜露冬月收藤用草包護二三月間皆可挿栽癸辛
 襍識云正月將盡取葡萄枝長四五尺者卷為小圈

令緊先治地令土肥鬆種之止留一節在外異時春
 氣發動眾萌盡吐而土中之節不能條達則盡萃英
 華於出土之二節不二年成大棚大如棗而多液居
 家必用云栽葡萄於棗樹邊於春間鑽棗樹作一竅
 引葡萄枝入竅內透出伺二三年其枝長大塞滿斫
 去葡萄根托棗為生其實如棗復用麝香入其根皮
 以米泔和黑豆汁澆夏有香味元遺山葡萄酒賦序
 云劉光甫為予言安邑多葡萄而人不知有釀酒法
 少日常摘其實并米炊之釀雖成而不佳貞祐中鄰

里一民家避寇自山中歸見竹器所貯葡萄酒在空盎
 中者枝蒂已乾而汁留盎中薰然有酒氣飲之良酒
 也蓋久而腐敗自然成酒不傳之祕一朝而發之予
 亦嘗見還自西域者云太石人絞葡萄漿封而埋之
 未幾成酒愈久愈佳有藏至千解者其說正與此合
 岳季方云西陽雜俎白氏六帖皆載葡萄酒由張騫自
 大宛移來按本草已具神農九種當塗熄火去騫未
 遠而魏文之詔實稱中國名果不言西來自唐以前
 無此論乃知大宛之種必與中國異故博望取之比

戊酒泉嘗取胡之乾名瑣瑣比中國者筵小形圓而
 色正赤甘美非中國可敵則予所見庶或得之張芳
 洲亦有詩聞道乘槎客相攜到漢庭何緣嘗草日先
 自入醫經瑣瑣葡萄形甚細如胡椒大出土魯番性
 熱可發痘疹蓋葡萄之別種耳亦云葡萄明周文華致富全書
 我在鄴遂大得葡萄奇有滋味陳昭日作何形狀徐
 君房日有類粟棗信日君殊不體物可得言似生荔
 枝魏肇師日魏武有言未夏涉秋尚有餘暑酒醉宿
 醒掩露而食甘而不飴酸而不酢道之固以流涎稱

奇況親食之者瑾日此物實出於太宛張騫所致有
 黃白黑三種成熟之時子實逼側星編珠聚西域多
 釀以為酒每來歲貢在漢西京似亦不少杜陵田五
 十畝中有葡萄百樹今在京兆非直止禁林也信日
 乃園種戶植接蔭連架昭日其味何如橘柚信日津
 液奇勝芬芳減之瑾日金衣素裏見苞作貢向齒自
 消良應不及唐段成式酉陽雜俎
 貝丘之南有葡萄谷谷中葡萄可就其所食之或有
 取歸者即失道世言王母葡萄也天寶中沙門曇霄

因遊諸岳至此谷得蒲萄食之又見枯蔓堪為杖大如指五尺餘持還本寺植之遂活長高數仞蔭地幅員十丈仰觀若帷蓋焉其房實磊落紫瑩如墜時人號為草龍珠帳上同

陶隱居註本草蒲萄北人多肥健諒食此物卻不知有羊肉麪也宋張舜民畫墁錄

今世呼蒲萄枇杷皆為入聲樂天詩云酒餘送盞推蓮子燭淚推盤壘蒲萄又深山老去惜年華況對東溪野枇杷其音自唐然矣元史浩兩抄摘腴

岳季方能畫蒲萄嘗作畫蒲萄說近於宣府李士常家見其自書一通筆畫清勁不俗其言蒲萄本中國名果重自上古神農九種功力為最世謂得之太宛歸種漢宮皆未之考意者初不經見而博望貳師之所得者又將特異遂附會之此說有見又云其幹臞者廉也節堅者剛也枝弱者謙也葉多蔭者仁也蔓而不附者和也實中果可啖者才也味甘平無毒入藥方勝者用也屈伸以時者道也其德之全有如此者予謂中果入藥分才用似未穩屈伸以時人亦難

曉蓋京師種葡萄者冬則盤屈其幹而庇覆之春則發其庇而引之架上故云然此蓋或種於庭或種於園所種不多故為之屈伸如此若山西及甘涼等處深山大谷中徧地皆是誰復屈之伸之明陸容菽園雜記葡萄酒亦須麴蘖而成有人久積葡萄忘取遂自成酒芳甘酷烈楊用修以此為真葡萄酒餘皆妄也若爾西域富人葡萄酒至萬石豈皆待其自液乎又文章草可以成酒亦不得遂可明王元美宛委餘編言酒草葡萄酒雖稱涼州江南種亦自佳有紫水晶二種宜於

水邊設架一年可生累垂可翫不但以供餽飮也明王

敬美學圃雜疏

人之口食固亦無恆曹丕稱蒲桃則云甘而不餽脆而不酸南方有橘正裂人芽時有甜耳徐君房之答陳昭則云金衣素裹見苞作貢向齒自消良應不及則又為橘左祖也吳中王百穀苦欲以楊梅敵荔枝未嘗荔枝固宜輕於持論凡物須眼所見則涇渭自分合以相並則妍媸自見明謝肇淛五雜俎

蒲萄盛於西北。會稽有漿水馬腦二種。味亦佳。魏武有言。未夏涉秋。尚有餘暑。酒醉宿醒。掩露而食。甘而不飴。酸而不酢。庾信言。北地園種。戶植接蔭。連架今會稽。雖富有此。果然俗乃謂不利。主人果成。主多徙去。故居室忌種之。又俗謂梓芭蕉皆不利。主氏廬了無一本。惟士大夫園宅及僧寺。乃時有之。會稽志

蒲萄三五月。斬其藤。插於芋蕪。種之一日。灌冷茶。間兩日。復以水。又以肥肉汁。清皖桐方氏物理小識

葡萄俗呼亭桃。清石巖逸叟增訂致富奇書

波斯國蒲萄。有大如雞卵者。土魯國蒲萄。有小如胡椒者。名瑣瑣蒲萄。無核而味夏甜。美物之不齊。地土使然也。清陳洪子祕傳花鏡



庶
物
類
纂

卷
四
四

